



Bentiaraq Ottosen
Atassut

UKA 2024/46
21. oktober 2024

Uunga siunnersuut: Tapersiissutitalimmik inissialiortiternermut taarsigassarsititsisarneq pillugu Inatsisartut inatsisaata allanngortinnissaa pillugu Inatsisartut inatsisaat (Atuisarnerup erseqqissaaffiginera)

(Ineqarnermut Attaveqaasersuutinullu Naalakkersuisoq)

Uani pineqartut tassaapput tapersiissutitalimmik inissialiortiternermut taarsigassarsititsisarneq, tassa airbnb-tut unnuisarfittut aqqissuunissamik siunerfigineqartut. Allannguummi ilaatinneqarput taarsigassarsiat ilanngunneqartut tapersiissutigineqarsimsut, soorlu tapersiissutitalimmik inissialiortiternermut taarsigassarsititsisarneq pillugu Inatsisartut inatsisaat nr. 40, 28. novembari 2019-meersoq, malitsigisaanillu Inissialiortitsernermut tapersiissuteqartarneq pillugu Inatsisartut peqqussutaat nr. 1, 9. aprili 1992-imeersoq kingusinnerusukkut allannguutai ilanngullugit, taavalu Kalaallit Nunaani inissialiortitsernermut tapersiissuteqartarneq pillugu Inatsisartut peqqussutaat nr. 10, 22. Decembari 1986-imeersoq. Taakkua maluginiagatta ilagaat allannguinissamut iseqqissaassutigineqassasut, imatut paasillugu ulluinnarni inissiap airbnb-tut atorlugu aqqiissuseqqinnissat pineqartut, uanilu attartortup periarfissagilissagaa neriorsuutinut pioreersunut tunniunneqartunut atorneqartussanngorlutik.

Atassummiit maluginiakkatta ilagaat SIK tusarniarnerani Inuussutissarsiutit mikinerusut namminersortut, taarsigassarsisumit imaluniit attartortumit inoqutaannit ingerlanneqartut ilaatinneqanngitsut, uani pineqartoq tassaavoq: § 28, imm. 1, nr. 5. Oqaasertallu allanngortinneqarlutik, tamanna Atassummiit apeqquuserparput. Uani pineqartut eqqarsaatigalugit allannguutigisaasa Airbnb-tut atorlugu iluanaarutitaqanngitsumik inissinnissaat ernumanartumiimmat.

Takornariaqarnermut inatsisissamut pilersaarutaanersoq apeqqtissatsialaavoq, tamannami Inuussutissarsiortiternermut, Niuernermut, Aatsitassanut, Inatsit Atuutsinneqarnerannut Naligiissitaanermullu Naalakkersuisoqarfik uppernarsarpaa, maleruagassiinermik inissiap imaluuniit inooqataasup najugaqarfissap saniatigut siunertaqartumik ingerlanneqarnissaa pillugu siunnersuutaammat. Tamanna takuneqarsinnaavoq § 1, nr. 1-imi imaqartoq. Atassummiit ilisimalluarpagut ullumikkut akunnittarfiit pillugit ajornartorsiutit, tassami mittarfissuit marluk Nuummi, Ilulissanilu sanaartornerat naammassilerput saniatigullu Qaqortumi nunap immikkoortuani mittarfissaq naammassilerluni. Akunnittarfiit akornanni inissaqassuseq annikitsuaqqamiippoq unali aqqiissutissatut atorneqalissappat akunnittarfiit namminersortut unammillerneqarsinnaanerit innarlerneqarsinnaasalluni. Taamatut inatsimmik aqqiissuullattaaginnarnerup kingunerissavaa inuiaqatigiit akornanni inissaaleqinerup annertusiartorsinnaanera, taamatulli inissiamik pisisuusut attartortitsinerminni anisitsinissaminnut toqqammavissillugit inissinneq. Atassummiit sakkortuumik

oqariartuutigerusupparput, tamatta toqqissilluta najugaqarnissarput pingaernerpaajusoq, imatulli pilersaaruserneq isumaqarpunga inuiaqatigiit akornanni eqqarsaatigilluarneqartariaqartoq. Tassami isumaqarpunga inuiaqatigiit tusarniaaffigineqaaqartariaqartut, taamatullu inuk qitiutillugu kiffartuusineq sallinneqartariaqartoq.

Erseqqissarusunnarpoq ineqarnermut aningaasalersueriaatsinik nalilersuinnermut immikkoortoq 2-imi Maj. 2024-imi saqqummersumi allaqqasoqarmat; ”Inatsimmik allaffissornermik misilittakkat Naalackersuisoqarfiup inatsimmik allaffissornermini misilittakkani tunuliaqutaralugit, inatsimmi paatsuunganartinneqarlutik ersarissarneqartariaqartut arlallit nalaannikuuai. Innersuussutigineqarpoq, sulianik assigiinnerusumik suliaqartarnissamik, paatsuungassutaasinnaasunillu pinngitsoortinneqarnissaannut qulakkeerinnittussanik, inatsimmi taakkua ersarissarneqarnissaat siunertaralugu taakkua misissorneqassasut”.

Illumut aningaasalersueriaatsit misissorneqarsimanerpat? Inatsisartut paasissutissanik takusaqarsimanngilanga aningaasalersueriaatsit pillugit misissuisimaneq. Taamaattumik pisariaqartilluinnarsimavara Inuiaqatigiinnut aningaasaqarnikkut sunniutissat misissuiffigineqarneranut nalunaarusiaq. Tamanna Naalackersuisunut apeqqutigaaara, pigineqanngippallu suliat tamaasa kinguartittariaqarneranut toqqammavissaqalissaagut, tamanna Atassummiit sakkortuumik inassutigaarput takuteqqullugu.

Soorunalimi inuiaqatigiit taamatut periarfissinneqarpata aningaasarsiornikkut periarfissanik nutaanik inatsisiliornikkut aqqiissuteqarsinnaagaluarpugut, tamanna aamma Atassummiit pingaartutut isigivarput siunissamut aningaasaliinerusinnaammat. Kisiat uani erseqqissaassuteqarnissaq pisariaqartoq oqaatigineqarpoq, apeqquterujussuusaarlu kikkut tamatuminna soqutiginnittuussanersut.

Uani ineqarneq pillugu aqqissuuseqqinniarnermi annertuumik apeqqusersugassanik ujartuivugut, pissutigalugu isumaqatiginninniarnep iluani arlaatigulluuniit eqqartorneqarsimannginnerat oqaatigisinnaagatsigu. Soorunalimi suliassat ataasiakkaartillugit Naalackersuisunut pisinnaatitsisinnaanerput ammaakkaluttuinnartussaavarput, tamannalu ataatsimut suliassap kivinneqarnissaanik Naalackersuisup aallartissinnaagaa isumaqarluta. Tamanna qitiusumik aqutsinerulernissamik noqqaasuteqarnerusoq Atassummiit tikkuartorusupparput, mianersortariaqarpugut.

Atassummiit nuna tamakkerlugu kiffartuusinnissaq pingaartipparput, asulimi inatsisiliuinnaarluta inatsisiliornianngilagut sumiiffik ataaseq kisimi pillugu. Tamanna isumaqarpunga aapaluttorujussuarmik ingerlatsinermik toqqammaviliisoq, sumiiffik ataasiinaq isiginiarneqartussaannigilaq nuna tamakkerlugu inoqarfiit julip aallaqqaataani 2024-imi 56.836-iupput. Taamaattumik tamakku aamma eqqarsaatigineqartariaqartut erseqqissarusuppara.

Atassummiit tapersersortuarparput suliffeqarfiit namminersortut, aamma ineriartornissaat pingaartumik aningaasaqarnikkut aqutissiukkusullugit, kisiannilu una siunnersuut akerlerilluinnaraa isumaqarpugut. Ineriartorneq killormut aallartittussaangilarput, ineriartornerli ilorraap tungaanut saatillugu inuit ineriartortinneqartariaqarput. Siunertat kusanartut siunnerfigigaanni tikkuusisinnaasariaqarpugut aningaasartalinik, unali siunertarineqartoq killormoortuanik aqqissuusinalerpugut.

Kalaallit Nunaani inuuniarneq akisoqaaq, tamanna aamma malitsigisaanik inissaaleqineq aamma qaffasissippoq. Taamaattumik airbnb-itut ittunik aaqqiissuteqassagutta apeqquusernartoqarpoq. Qaavatigut inissiat aserfallassimasut aaqqiissuuniarlutigit qaavatigut inatsisinik iluarsiiGINNAQATTAARLUTA suliaqarneq Atassummiit naamaginannngitsutut isigivarput. Tassami uani ilimagilluinnaratsigu takornariaqarnikkut aaqqiissuuseqqinnermut attuumassuteqarluinnarsinnaasoq, taamaattorli erseqqissaqqissavara mianersoqqussutigalugu. Inatsisit maana suliariniarneqartut isumaqarpunga qimerloorneqassappata tamakkiisumik taperseruminaatsortaqartut, uanilu imatut aqqutissiussinissaq aamma qularnarsinnaalluni. Paasisat najoqqutaralugit akunnittarfiit inissaqassusaat annikippallaarnerisa kingunerisaanik Airbnb-tut attartortitsisarnissaq eqqunniarneqarpoq, tamatuminngalu takornariaqarnikkut aaqqiissuusinissamut tapertaalluarsinnaasoq isumaqarluta.

Inatsisissatut siunnersuut suliareqqinneqarnissaa takussutissalimmik inuiaqatigiinnut aningaasaqarnikkut sunniutissat suliarineqaqqaartariaqartut innersuupparput, taamatullu inatsisissamut siunnersuut kinguartinneqartariaqartoq isumaqarluta.